



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

CXXII. Markgraf Friedrich d. J. gestattet dem Peter von Lossow die Verpfändung von Renten aus dem Dorfe an den Dechanten zu Fürstenwalde, am 19. November 1437.

Nutzungsbedingungen

[urn:nbn:de:hbz:466:1-55508](https://nbn-resolving.org/urn:nbn:de:hbz:466:1-55508)

CXXI. Markgraf Johann bevollmächtigt Zabel Burgstorf, an des Markgrafen Stelle einen Hof zu Rathstoc zu verleihen, am 13. Januar 1436.

Wir Johannis, von gots gnaden Marggraue zcu Brandenburg vnd Burggraue zcu Nuremberg, Bekennen — das wir dem Erbarn vnserm lieben getrewen Czabel Burgstorf beuolhen, gegunnet vnd erloubit haben einem gnant Michel Storckow sein rechte veterliche Erbe von vnsern wegen vnd an vnsern steten zcuuerlihen, Nemelichin In dem dorffe Rotstog eynen hof mid allen zcinsen, Renten, zugehorungen vnd gerechtikeiten, Inmassen denselbigen hoff des gnanten Michel Storckowen Bruder seliger vormals von vns vnd der marggraueschafft zcu Brandenburg zcu lehen gehabt hat, Beueheln, gonnen vnd erloben Im sulliche lehenunge zcu thune auff dizmal in craft disses briues, doch vns, vnsern Erben vnd nochkomen an vnsern vnd sunst einen iglichen an sinem gerechtikeiten vnshedelichin vnd vnentgulten, an geuerde. Zcu Orkunde mit vnserm aufgedruckten Ingezigel versigilt vnd Geben zcu Tangermunde, Am freitage nach Juliani, Noch Cristi vnsern hern gebordte virczehnhundert Jar vnd dornoch In den Sechszvndrissigstien Jaren etc.

Nach dem Churm. Lehnscopialbuche XVI, 49.

CXXII. Markgraf Friedrich d. J. gestattet dem Peter von Loffow die Verpfändung von Renten aus dem Dorfe an den Dechanten zu Fürstenwalde, am 19. November 1437.

Wir friderich der Junge, von gots gnaden Marggraue zcu Brandenburg vnd Burggraue zcu Nuremberg etc., Bekennen etc. — das der Erbare vnser lieber getruwer Peter von loffow fur vns kommen ist, vns sein anligende nott erezelt vnd vns fleissiglichen gebeten hat, Im zcu gonnen vnd sulborten, den werdigen vnd andechtigen herren, herren Johanfen Berboim, Techande, dem gantzen Cappittel vnd Iren nachkomen Techanden vnd Thumherren zcu furstenwalde des Stiffes zcu Lubusz acht sehog Jerlicher vnd gewisser Rente vnd zcineses aufz den gewilten Renten vnd zcinsen In dem dorffe drenczk gelegin auff einen widderkauff zcuuorkauffen. Sollich sein anligende nott, auch sein fließige bete vnd getruwe dinste wir angefehin vnd demselbin peter von lofzow eins sullichen widderkaufs mit dem obgnanten Cappittel des Stiffes zcu lubusz zcuthune vnd zcufulczihne gegonnet, erlobet vnd geuolbort habin etc. — Gebin zcu Bernowe, In Sannt Elizabethen tage, Nach Cristi vnsern herren geburte vierczehnhundert Jar vnd darnach In den Sybenvnddreissigsten Jaren etc.

R. Haffe de Bredow Capit.

Nach dem Churm. Lehnscopialbuche XVIII, 7.